



UNIVERSITÄTS-
BIBLIOTHEK
PADERBORN

**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

Tit. 2. De foro competenti.

[urn:nbn:de:hbz:466:1-62177](#)

TITULUS II.

De foro competenti.

§. I.

Quod sit Forum competens, & quibus modis constitutatur.

1. Quid Fori nomine intelligatur.
2. Et quid Forum competens.
3. Sortitur quis forum Ratione domicili.
4. Ratione rei sita.
5. Ratione contraetus.
6. Delicti.
7. Privilegii.
8. Ratione College vel universitatis, in quam adsumptus est.
9. Ratione consensus & prorogationis.
10. 11. Clericus tamen consenire in judicem laicum non potest regulariter.
12. Laicus quibus casibus subjiciatur Iudici Ecclesiastico.

Iurisdictio seu fori competenta totius judicij contentio est fundamentum, ita ut ea deficiente ne quidem sit judicium & nullitas ex eius defectu proveniens, irreparabilis atque insanabilis reputari consuevit. Ideoque summopere præcavendum est a tori, ne coram Judice incompetente reum conveniat: ac proinde etiam post tractatum de Judicij in genere, priuquam veniamus ad reliquos judicij actus, dispici debet, quis dicitur Judex alieujus competens, & quod Forum competens: item quot modis quis forum sortiatur. Ubi præmittendū, quid Fori nomine hic intelligatur.

1. Forum igitur seu Forum, omisis aliis significacionibus, dicitur tum locus ipse exercendarum litium, in quo quis conveniri potest, e. *Foru inf. De verborum significacione* l. In hac 30. l. Secundum divi 32. *Cod. De donat.* l fin. *Cod. Vbi in rem actio*, &c. tum territorium, in quo quisque Judex habet jurisdictionem: quo pacto tota diocesis dicitur territorium Episcopi, can. *Omnis XVI. q. 7.* Alter dicitur tribunal & sedes ipsius jurisdictionis, l. i. D. *De judicis*, l. 14. *Cod. eod.* vel auditorium, l. i. 4. §. 5. D. *Dere judicata*.

2. Unde Forum competens vocatur hic tri-

bunal, cuius jurisdictioni reus subiicitur: nam regulatiter actor sequi debet forum rei, e. *S. Clericus* 4. c. *Cum sit generale* 8. h. s. l. *luris ordinem Cod. De jurisdict. om. Iud.* & similiter *Index* competens dicitur, cuius jurisdictioni reus subiicitur, id est coram quo actio seu lis propone & decidi potest; vocatur *Judex suus*. l. 49. D. *De judicis*, l. 6. C. *De jurisdict.*

3. Variis autem modis quis sortitur forum piim ratione Domicilii: nam eius jurisdictioni subest reus, in cuius territorio domicilium habet, e. *Dilecti* 17. *G. ult. b. t.* Censetur autem quis ibi domicilium habere, utilarem rerum fortunatarumque suarum summam constituit, l. *Cives Cod. De incolis lib. 10.* ita ut inde non sit discessurus, modò nihil avocet, *Glos. in l fin. in V. in absentes Cod. De præscript. longi tempori*: vel seltem ubi majorem partem bonorum suorum possidet, aut habitandi animo frequentius versatur, l. 2. *Cod. Vbi Senatores vel clarissimi &c.* Quod si quis pluribus in locis & quæ instructus sit, nec minus in uno loco, quam in alio, moratur, in omnibus illis censetur habere domicilium, l. *Labo* 5. *cum seq. §. penult. D. Ad municipalem*, *Glossa in d. l. fin.* sicut & contra sine domicilio est, qui eo religio navigat, vel iter facit, querens, quod se cōferat, atque ubi se constituat, l. *Eius 27. §. Celsus in fine D. Ad municipalem*. Mutatione vero domicilii non perimit instantiam coram Judice domicili coepit, sed Judicium ibi finiti debet, ubi inchoatum est, e. *Propositio* 11. g. b. t. l. *Si quis postea quam 7. gl. Vbi acceptum 30. D. De judic.*

4. Secundum, ratione Rei sitæ: & ideo actio ne in rem vel mixta conventus, coram eo Judice respondere cogitur, in cuius territorio res sita est, e. *Sanè* *e. ult. b. t. & Lult. Cod. Vbi in rem actio exer. deb.* Nec refert, res immobilia sit, an mobilis, l. *Quod legatur 28. D. De judicis*: dummodò in loco, in quo sita est, sit permansura, nec custodia tanum caussa ibi constituta; Alias si actione in personam, sive rei immobilia sive mobilis nomine agatur, rei domicilium sequendum erit d. c. fin. nisi cum bonis in loco sitis concurrat locus contractus, arg. l. *Hares absens* 19. §. *proinde D. De judicis*.

5. Tertiò, ratione contractus: nam contrahentes sistere se debent judici eius territorii in quo cōtractant sive adagandam sive ad defendandam

dam caussam suam, licet alibi domicilium haberant, d.c. ult. &c. 1. eod in 6. Nisi contractus implementum & solutio in aliud locum destinata sit, quia tuoc non in loco contractus, sed in quem destinata est solutio, forum sortiuntur; contraxisse enim unusquisque in eo loco intelligitur, in quo se, ut solveter obligavit, l. *Contraxisse* 21. D. *De obligat & act.* l. i. C. *De juris* l. *unica* C. *Vbi conveni*, qui certo loco dare promisit. *Covar. Praef.* q. c. 10. n. 5. Idemque dicendum, si conveniret, ut alter contrahentium alio loco se defendat seu respondeat, d. c. *Dilecti* 17. b. t. Quo pacto autem sortiatur quis forum ratione contractus initium cum mercatore advena, vel viatore brevi discelus, vide in d. l. *Hares absens* §. 2. D. *De judicite*. Ceterum contractus sumitur hic non solum pro contractu vel quasi contractu, ulro citroque obligatorio, sed pro omni pacto, vel utrimque vel ex una parte tantum obligatorio, sive pro alio quelibet pacto, ex quo obligatio oritur: ita ut etiam hoc nomine veniat administratio tutela, cura transactio, donatio, & alia similia, d. l. *Hares absens* §. 1. cum l. seq.

6. Quartò, ratione Delicti: nam ejus Iudicis forum quis sortitur, in cuius territorio deliquerit, cap. *Postulati* 14. &c. ult. b. t. Et ideo Juxdex apprehendens reum, etiam militem in loco delicti, potest reum inibi punire pena, tam corporali, quam pecuniaria, pro qualitate delicti, l. Si cui §. idem imp. & l. fin. D. *De accusat.* Cessat enim fori privilegium ratione delicti, cap. 2. inf. de privilegiis: de quo tamen, & quo pacto id verum sit, vide *Panormit.* in d. cap. fin. Sin latiter, quomodo citati possit aut citatio ei insinuari, citabitur per edictum, in loco delicti publicandum, & valvis portarum vel Ecclesiarum affigendum, per ea, qua habentur in Noveli, Nulli judicium §. si quis verò iad hoc scilicet ut missio fiat in possessione bonorum, qua in loco delicti habet, non verò ut quidquam in ejus personam statuatur, *Panormit.* in d. cap. fin. num. 6. Et, si crimen fuerit atroc, poterit Juxdex delicti requirere Judicem domicilii seu loci, in quo degit, vel latitat, ut ipsum citet, & remittat: eique Juxdex rogatus, si nondum eum ipse ca-

stigaverit, præmissa summaria cognitione super veritate commissi delicti (obsequi debet & delinquentem remittere, ex iuri communis dispositione, alioquin hodie in plurimis locis de consuetudine contrarium servatur. Si vero crimen levius sit, non habet locum remissio, sed delinquens, ubicumque reperiatur condigna pena puniri potest, l. i. Cod. Vbi de criminis &c.

7. Quinto, ratione Privilegii. Ita Clericus non potest conveniri, nisi coram Juxdice Ecclesiastico, sive criminaliter sive civiliter agatur, i. Cum contingat 13. &c. *Postulati* seq. b. t. adeo ut Juxdex laicus, qui Clericum per se diffinxerit aut condemnaverit, sive nomine excommunicandus, c. 2 eod.

8. Sexto, ratione adiunctionis in aliquod Collegium, vel Universitatem quis subincum cognitioni Praefecti ipsius Collegii vel Universitatis, l. fin. C. *De juris* l. em. l. *Jud. Auth. Habua Cod.* *Ne filius pro patre &c.* dummodo haec corpora auctoritate Principis coierint, l. 3. D. *Decalog illicit.*

9. Septimo, ratione Consensus: ut si quis in Juxcem non suum consensu, sive, ut loquuntur, Iudicis incompetenti iurisdictione in se prorogaverit, e *Significasti* 18. b. t. cap. P. & G. sup. *Decoff* deleg. l. 1. & 2. & ibi D.D. C. *De judicis*, l. Si conveniret D. *De juris*, em. l. *Jud.* Nam cuique liberum est favoris suo & per consequens fori sive exceptioni fori declinatoriae renuntiare, & in aliud Juxcem contineare, l. p. mult. *Cod. De patris* * 10. A qua tamecum regulat eipius iure Poniticio Clericus, qui privilegium fori sui renuntiante ne quidem iurato potest, & prorogare in se iurisdictionem iudicis laici, cap. *Sed diligenter* 12. b. t. quia hoc privilegium, nec coram Juxdice laico conveniatur Clericus, non est datum in favorem Clericilli, qui convenit, sed in favorem totius ordinis Clericalis, & sic est publicum: arqui privatorum pactio in illis, quae sunt iuri publici, derogari nequit, l. *Urisgemitum* & *Si patitur* D. *De patris*. Quoniam Clericus prohibetur prorogare in se iurisdictionem alterius Juxdicis Ecclesiastici, nisi cum consensu sui Episcopi, d. c. *Significasti* b. t. Hoc ideo, quia Clericus ratione Ordinis si sceptis ab Episcopo, vel beneficiis ab eodem accepti, aut sub eius iurisdictione sit mul. o arc. ius subiectus est Episcopo suo, quam laicus i. o. Juxdi.

II. Sunt

II. Sunt tamen causas quidam, quibus Clericus coram judge laico conveniri potest, & è contra laicus coram Ecclesiastico. Atque in primis Clericus coram laico, si sit vasallus laici, & de feudo controversia oriatur, eorum domino feudi vel partibus curiae conveniri debet, c. Ex transmissa 6. cum e. 3. seq. b. t. Gaill. 1. Observat. 37. Maastricht 4. p. Dif. 11. n. 75. Idque ratione directi dominii, quod penes ipsum dominum est; & quia natura causæ ad se personam trahit, non è diverso.

Secundò, si prima tantum tonsura sit initiatus, aut in minoribus Ordinibus constitutus, aut conjugatus, secundum tamen dispositionem & formam Concilii Trid. Sess. 23. c. 9. De reformat. junctio c. unico De Clerico conjugato in 6. Gutierrez Pract. quæst. civil. lib. 1. qu. 7. vel si bigamus fit, c. unico De bigamia in 6. aut jaculatoriam armem per annum exercuerit, vel saltem ea de re ter monitos non recipuerit; nam hoc casu omni privilegio clericali exiuit, c. unico De vita & honest. Cleric. in 6. sicut & is, qui in assassinatus ciuius deprehensus est, c. 1. De homicidio in 6.

12 E diverso laicus, multis casibus secundum Canones subiectur Judici Ecclesiastico, ut si possideat & detineat res Ecclesiæ, vel Clerici, c. Si Clericus s. h. t. si rapuerit vel in vaserit res Ecclesiæ, c. Cum sit generali 8. eod. si jus aliquod Ecclesiasticum usurpet, c. Conquestus 16. eod. Idem si Judex laicus desit officio suo in administranda Justitia, potest laicus trahi ad Judicem Ecclesiasticum, c. Licet 10. Et c. Ex tenore 11. eod. Denique miserabilis persona, veluti pupillus, aut vidua, ut de possessione dejecta potest coram Judice Ecclesiastico agere ad possessionem suam recuperandam, c. Ex parte 15. eod. Alias secundum regulam cogitur, sequi forum rei, d. c. Ex tenore b. t.

Ubi autem dubium est, an vocatus de foro seu jurisdictione sit vocantis, tenuerit hic comparete, & incompetentiā Judicis allegare: tum Judex ipse estimabit, an sit sua jurisdictionis, an alienæ, l. Si quis & ex aliena D. De judicio, c. 1. Cum persona inf. de privilegiis Vide inf. §. 3. n. 7.

§. II.

De requisitis ad prorogationem Judicis,

1. Fieri debet prorogatio in judicem, qua habeat jurisdictionem.

2. Et quidem ordinariam non delegatam.
3. Consentiente utroque, & renuntiante & adversario ejus.

1. Ver tamen prorogatio jurisdictionis in juris dicem non suum substat, necessum est, ut is habeat jurisdictionem, sufficientem ad cognitionem & decisionem causæ quæ inter litigantes veritur: ut, si causa sit spiritualis, jurisdictionem habeat spiritualem, si criminalis, non solum possit de causa civili cognoscere, sed etiam de causa criminali, criminaliter intenta, habeatque potestare criminis coercendi. Alioquin non tam esset jurisdictionis veteris prorogatio, quam novæ collatio, quæ non est in potestate privatorum, l. Privatorum Cod. De iuris diſt. om. Iudic.

2. Secundò, Jurisdiction, quæ protogatur, debet esse ordinaria, non delegata: nam cum jurisdictione delegata non sit ipsius delegati, sed delegatis propria, l. §. fin. l. Etsi Praetor D. De iuris diſt. ejus cui mand. est iuris, non potest ultra personas, in instrumento delegationis expressas, de ipsarum consensu prorogari, c. P. & G sup. De officio Iud. deleg. nisi intercedat delegantis consensus, Panormit. ibid. Quamvis mandata alicui jurisdictione ad certum diem vel tempus, possit de communione partium consensi prorogari, c. De causis sup. eod. l. 2. §. sed si Iudex D. de iudicite. Quemadmodum etiam Judex ad certam usque sumam iudicare iussus, potest de re majoris minorisve quantitatis iudicare, si partes consentiant, d. l. 2. §. 1. Inter convenientes, 28. D. Ad municipalem sive is Judex sit ordinarius, sive delegatus, Accus. ind. l. 1. quia diversitas quantitatis non inducit diversitatem jurisdictionis. Similiter Judex, iussus de causa sibi commissa certo loco cognoscere, potest alio loco de ea cognoscere, si partes expresse consentiant, c. Statutum §. in nullo De re scriptis in 6. dummodo, si Ordinarius fuerit intra fines sui territorii de ea cognoscatur.

3. Tertiò, Utriusque, & renuntiantis foro suo & adversarii, intervenire debet consensus, l. i. D. De iudicio, l. 2. Cod. De iuris diſt. em. Iud. qui tamen sufficit tacitus, arg. d. l. 2. D. de iudicio, Bart. in d. l. 1. D. eod. tit. Et eorum, qui de jurisdictione incompetentis Judicis proroganda convenerunt, potest alter, altero invito, recedere ab ea conventione, & adhuc integra, l. Si

conve-

R.

convenenterit D. De juris d. censetur verò hic res integra, si citatio nondum sit emissa, arg d. l. Si convenenterit: licet Accur Bart, Alexand, Jolán, ibid. velint demum per litis contestationem definere esse integrum. Cæterum non est necessarium ad hanc prorogationem, ut ipsius Judicis prorogati consensus interveniat, d. l. 2. in princip. verific. convenire.

Denique non vitetur in Iudicem incompetenter consentire, qui apud eundem Iudicem actionis genus ubi edi desiderat, l. Non videtur 33. D. De judiciis.

§. III. De Citatione seu in jus vocatione.

1. Citationis necessitas.

2. 3. Quid sit Citatio; & division Realem ac Verbalem.

4. Item in Simplicem & Peremptoriam.

5. 6. Requisita: ut fiat ad instantiam partis & mandato judicis.

7. 8. Ut contineat nomen & cognomen Iudicis; ac citati: & causam.

9. Item locum judicis.

10. Et diem certum, quo citatus compareat.

1. **S**upposita iurisdictione & competencia Iudicis, principium i. constituendi judicis lumen à Citatione seu in jus vocatione, s. Quoniam contra inf. D probat Clement. Pastoralis De re iudicata. Gaill. 1. Observat 50 adēd necessaria, quo ad absentem, ut nullatenus omitti possit, d. Clement. Pastoralis Nam cum ea ad defensionem spectet, juris est naturalis: imd secundum aliquos divini; inducta, quando Deus citavit Adamum post peccatum commissum, dicens, *Adam ubies? Genes 3.* quos recert Calvolus in Prazi. §. Citatio conclusi. Et ideo, ea omissa, judicium redditur nullum, e. Ecclesia sup. De constitut. 2.

Citatio autem actus est legitimus, quo quis mandato Judicis, juris experiundi causa in judicium vocatur. * 3. Estque vel realis, vel Verbalis. Illa per manus injectionem & apprehensionem personæ citandæ: Hæc aut privatim per apparitorem, vel literas, aut publicè per praecomen, tubam, campanam, aut edictis propositis, fieri solet, l. 8. Cod. **Quonodo & quando Iudex &c.** de qua plenē Felin in can. Quoniam frequenter §. porrò inf. Vt littera non contumata &c.

Edictali citationi tunc locus est, quando aliás quis citari nequit: ut si locus non sit tunc, si non proprii sit territorii, si remotus aut varius, ubi citandus moratur, vel si ipse citandus sit vagabundus, aut impedit: quo min' ad se citatio verbalis vel per litteras perveire possit, Menoch. **remedio** 8. quest. 13 recip. possit. n. 113. & seqq. Si item contradictor sit incertus, & citentur omnes in genere, quorum interest: vel si incerti sint creditores defuncti, & voles adire hereditatem suspectam, cupiat facere inventarium: vel si agatur de materia diffamationis, Mench. d. locon. 121. & sic de aliis similibus.

4. Ritus Citatio vel est Simplex vel Peremptoria. Simplex est, quæ citatum non autem contumacem constituit, quam si tertio & justo, non minus decem dictum, intervallo, utique in cibilibus, facta sit l. **Tres denuntiationes Cod. Quonodo & quando Index &c.** l. Et tertium & p. sequent. D. De judiciis.

Peremptoria est, quæ simplices citationes ita permit, ut in jus vocatum, si præfinita die non comparverit, contumacem constituat, l. Et tertium & l. **Nonnunquam D. De judiciis.** Et quoniam vis antea per intervallum, ad minus decem dictum, singula edicta peremptoria citatione impetrari debent, l. **Per intervallum D. & l. Properandum Cod. de judiciis:** tamen hodie singularis edictis necessarium est intervallū triginta dierum, constat ex Aut. qui semel Cod. **Quonodo & quando Index &c.** ita tamen, ut Iudex pro qualitate personæ temporis, loci, alisque similibus circumstantiis, & edictorum numerum & eorumdem intervalla, necessitate possumante, augere ac diminuere valeat, d. l. **Nonnunquam in fine D. De judiciis, &c.** Consuluit in fine sup. D. officio delegati e. i. inf. De fariis. Unde & post peremptorium edictum absens ex benignitate Judicis citari potest, Et post peremptorium D. **De judiciis.**

5. Ut autem Citatio sit legitima, plura requiruntur. Primo, ut fiat ad instantiam partis dum agitur inter duos litigantes: maxime citatio ad sententiā, nisi Iudex videret perire instantiam, qui tum ex officio posset citare, Maranta. Sp. in verbis, citatio recte consipiatur n. 115. & seq.

6. Secundo, ut fiat mandato Judicis competentis, sive Ordinarii sive delegati; alias citatum

tum non atstat, *I. Neminem Cod. De exhib. reis,*
larc. Gail. 1. *Observ. 48.n.12. & 50.* Licet sit rea-
lis quia & haec requirit causae cognitionem,
quam nuntius non habet, Gail. *d. loco.* Et ideo
regulariter citatio sit per apparitorem, speciale
mandatum aut commissionem Judicis haben-
tem, *d. l. Properandum h. et si quidem Cod. de ju-
diciis.* Nisi forte delinquens in flagranti crimen
capiatur nam runc lex ipsa licentiam concedit,
Gail. *lib. 1. Observ. 54.* aut nisi ob tenuitatem
negotii & causae, aut alium fori usum, genera-
le mandatum, ad quoddam citationes faciendas
semel datum, sufficiat; quod & Alciat. proba-
vit, in *Rubr. Cod. Ne in ius vocati &c.* Obci-
netque in plerisque Curis, in quibus, ex fori
usu, non requiritur mandatum seu commissio
Judicis, sed ad simplicem petitionem partis fieri
solet citatio, quando scilicet citatio sit in foro
circa.

7. Tertiò, continere debet nomen & cogno-
men Judicis, ut citatus cognoscatur, an iussu
competentis judicis sit decreta citatio: nam su-
pra jurisdictionem, vel extra territorium ci-
tanti impune non paretur, *l. fin. D. de jurisdict.*
em. Iud. l. 2. D. Si quis in ius vocatus, &c. Ale-
xand. *inc. Clemens Pastoralis de sententia & re*
judicata. Gail. *lib. 1. Observat. 48. n. 7.* Niisi sit
Judge domicili, qui libiduum suum ubique ex
istente citare potest, Gail. *d. l. 1. Observ. 56. in*
fin. Ex ratione, quia quocumque se transferat,
sempre manet subditus: cum propriè subditus
dicatur ratione domicili. *C. Licit ratione b.t. &*
ibi Felinus, Gaill. 2. Observ. 35. quod & incolas
fa. it, *l. Domicilium & ibi Glos. D. Ad municipa-
lem, l. Crves. 3. Si in patria Cod. de incolis l. 10.*
Quod si reus dubitet, an iussu judicis compe-
tentis citatus sit, comparare nihilominus tene-
tur, & incompetentiam allegare, *l. 2. D. Si quis in*
ius voc. non ierit, & ibid. D.D. nisi notorium sit
Judge non habere jurisdictionem, Gail. *l. 1.*
Observ. 48.n. 8. Et de hac competentiā Judge ipse
citans cognoscere potest, an scilicet sit suus
jurisdictionis, an aliena, *l. 2. § sed si dubitetur, &*
l. Si qui ex aliena s. D. de judicis, &c. 1. c. Cum per-
sona inf. de privilegiis.

8. Quartò, continere debet nomen & cogno-
men ejus, qui citatur, *cap. 34. & 36. sup. de re-
scriptu, Gail. d. lib. 1. Observ. 49.* & similiter ejus,
ad cuius instantiam citatur, Gail. *ibid. observ.*

50. ut intelligat citatus, citationem non ex of-
ficio judicis, sed ad petitionem & instantiam ci-
tantis esse factam.

Quintò, causam, saltem in genere, etiam
in criminalibus; præsentim dum ex loco re-
moto citatur, *secundum Abbatem col. 2. in fine*
inf. de dilationib. ut instruatur reus, super quo
conveniatur, d.e. Praterea & ibi Glos. & accedat
paratus ad respondentum, Gail. d. lib. 1. Observ.
51.

9. Sextò, locum judicii, ut citatus sciatur,
an Judge non excedat fines sua jurisdictionis,
citando extra territorium; & an locus, ad
quem citatur, sit tutus & commodus: nam
citatus ad locum non tutum vel incommodeum
non tenetur compareare, *c. Ex parte inf. de ap-
pellat. Clement. Pastoralis de sent. & re judicata*
l. Si locus D. de judicis: & judge non admittens
exceptionem loci non tuti (quæ licet dilata-
toria sit, nihilominus etiam post litis contesta-
tionem opponi potest, tanquam continens
gravamen, successivum) infert citatio grava-
men, à quo licite appellatur, Gail. *d. lib. 1. Ob-*
serv. 56.

10. Denique diem certum, justum atque op-
portunum, quo citatus compareat, & commo-
de ad locum judicii venire possit, sciatque an-
dies si juridica: nam diebus feriatis, veluti die
festo aut vindemiarum vel messium, nemo ad
judicium venire compellendus est *cap. 1. inf.*
de feriis, l. l. D & l. 2. & 3. & fin. Cod. eod. 1. nisi
quis citatus esset die feriata, ad utilitatem ho-
minum, ex commissione Principis, qui potest
talibus feriis derogare, *Calvolus in Praxi §.*
Citatio concl. 3. num. 21. & 24. exceptis item
causulis alimentorum, carceratorum, pupillo-
rum, viduarum, miserabilium personarum.
& iis, quæ moram non patiuntur, veluti si
tempore res peritura sit, vel alia urgeat ne-
cessitas, & similibus, quæ possunt expediti
diebus feriatis, & in citatione sunt exprimenda,
ut citatus teneatur compareare: qui alias
habet intentionem fundatam, non comparen-
di die feriata; nisi, ut dictum est, sit citatus ex
commissione Principis ad talen diem in utili-
tatem hominum Non tamen est necesse, ut co-
tineat horam comparandi, sed citatus compare-
re debet hora causularum solita, & tali hora, in
qua possit actus expedire ante noctis tenebras:

& si opponeretur certa hora, & actus non fieret hora assignata, sed alia non valerer, ut tradit Marranta 6 p. vers. Recellè citatio concipiatur n. 66. Si vero dies apponatur nimis brevis, citatio talis valida non erit, l. Aut qui alter D. Quod vi ait clam. &c. & appellati ab hujusmodi gravamine poterit, Gail. d. lib. 1. Obser. 5.

§. IV.

De executione Citationis.

1. Citatio in personam vel ad domum fit &c. & quando.
2. Deinde relatio apud acta fieri debet.

1. Commissione citationis nuntio facta, oportet ut is eam exequatur. Et quidem primò reum citandum diligenter perquirit, ut ei coram in faciem citationem insinuet. Eoque non reperto, potest in subsidium vel procuratori illius, si quem reliquerit, vel ad domum domesticis, vel, si nemo adsit, vicinis denuntiationem exponere, relicto ibidem commissionis suæ exemplo, ut ad reum citatio perveniat, c. Caussam 3. inf. De dolo. Quod si vero citandos plures habent actes, executio citationis fieri ad eas, in quibus pro majori parte anni egit, arg. Clem. Caussam, ibi, in domo, quam &c. De elect. Sin æquali tempore moratus fuerit in omnibus, ibi citandus erit, ubi citationis tempore degit. Vide plenē Damhaud in Praxi civili c. 59. & ibi Tuld.

2. Executione facta, incumbit eidem nuntio facere ejus relationem, qua in acta referriri debet, ut appareat de legitime facta executione. Relationi autem executoris credi solet, propter fidem ejus delectam, & juramenti religionem, qua judici est adstrictus Gail. lib. 1. Obs. 54. n. 4. Mynl. Cent. 5. Obs. 51. n. 2. Quamquam afferenti, se ex mandato Judicis citasse, non credatur quia tantum de suo facto, quale est executio, non etiam de facto alieno, cuiusmodi est commissio judicis, deponenti creditur, Gail. d. Obs. 54. n. 5.

§. V.

De effectu Citationis.

1. Citatum constringit ad comparendum.
2. Perpetuat iudicis delegati jurisdictionem.
3. Praescriptionem interrupit.
4. Perpetuat & judicis ordinarii jurisdictionem.

5. Citatio illegitima per comparitionem validatur.

1. Quoad effectum citationis attrinet, ea legitimè facta in primis constringit citatum ad comparendum, nisi justa exceptione leteatur: veluti quod magistratum gerat, quod sit patens vel patronus, quos sine permisso Protoris in jus vocare non licet: vel quod propter loci religionem inde se movere non possit, quodverè funus ducat, aut justa defuncto perfolat, vel alia simili causa, de quibus latius vide licet in l. 2. 3. & seqq. D. De in jus vocando & in lib. 2. cum seqq. D. Si quis caution. in jud. sistend. &c. Alias autem, cessante legitima exceptione, contumacia citati, & non comparentis vici punitur, ut postea dicetur.

2. Secundò perpetuat iudicis delegati jurisdictionem, c. 10. & fin. sup. De officio Ind. deleg. Et ideo si quis, postquam citatus est, alterius fori esse coperit, in ea causa jus revocandi domum non habebit, l. Si quis posteaquam 7. D. De iudicis, l. penult. D. De iuri, dict. om. Iud. c. Proposuiti penult. b. t. c. Gratuum 20. sup. de offic. & potest iud. deleg.

3. Tertio, præscriptionem trigesinta annorum interrupit l. fin. Cod. De annali except. 4. Facit etiam iudicis ordinarii jurisdictionem perpetuam, respectu illius causæ, cuius intitulatio semel legitimè facta fuit, etiam si citatus postmodum coperit esse alienæ jurisdictionis, d. c. Proposuiti, l. ubi acceptum D. de iudicis.

5. Quia vero effectus & finis præcipuus citationis est, ut reus compareat: ideo citatio illegitima, qua tamen ad notitiam citati pervenit, per comparitionem ejus convalidatur, & reus comparens ad libellum actoris respondeat cogitur: quia præfens regulariter citationem debet Gail. d. lib. 1. Obser. 58. Et hinc sit, quod citatus ad certam causam comparens, secundum communiorum sententiam, debet respondere in alia causa Gail. lib. 1. Obser. 51. n. 7. ubi subjungit, eo spectare, quod actor respondeat ante litis contestationem libellum & genus actionis mutare possit.

TITU.